



### UPM-BOKU Meterai Kerjasama Penyelidikan



*Prof. Tan Sri Datuk Dr. Nik Mustapha R. Abdullah (dua dari kiri) menandatangani Mou bersama Prof. Mag. Dr. Barbara (kanan) sambil diperhati Presiden Austria, Dr. Heinz Fischer (tengah).*

**KUALA LUMPUR, 9 Nov** – Universiti Putra Malaysia (UPM) dan University of Natural Resources and Life Sciences, Vienna (BOKU) Austria menjalinkan kerjasama dalam bidang penyelidikan khususnya berkaitan sumber asli dan sains hayat.

Bidang kerjasama antara kedua-dua universiti itu meliputi bidang agrikultur, perhutanan, ekonomi dan pengurusan, sains makanan, pengajian alam sekitar dan bioteknologi.

Kerjasama lain termasuk pertukaran pelajar siswazah (PhD dan Master), ahli fakulti dan pakar penyelidikan.



Pihak BOKU berpendapat asas perhubungan sedia ada antara kedua-dua pihak melalui ASEA-UNINET (Asean-European University Network) dan EURASIA 2 Consortium (Erasmus Mundus) wajar diperkukuhkan melalui memorandum persefahaman (Mou).

MoU ditandatangani oleh Naib Canselor UPM, Prof. Tan Sri Datuk Dr. Nik Mustapha R. Abdullah dan Timbalan Rektor Pendidikan dan Antarabangsa BOKU, Prof. Mag. Dr. Barbara Hinterstoisser.

BOKU menawarkan sembilan program bachelar dan 24 program master dengan tujuh daripada program masternya diajar dalam Bahasa Inggeris dan terbuka untuk pelajar antarabangsa.



*Prof. Tan Sri Datuk Dr. Nik Mustapha R. Abdullah (kanan) memberi hadiah tanda penghargaan dari UPM kepada Presiden Austria, Dr. Heinz Fischer (kiri).*

Mou itu memperkukuhkan hubungan Malaysia dan Austria dengan disaksikan oleh Presiden Austria, Dr. Heinz Fischer yang mengadakan lawatan rasmi tiga hari ke Malaysia.

**Berita ditulis oleh Seksyen Media Bahagian Komunikasi Korporat (Mohd Faisal Md Noor 03-89466014).Foto disumbangkan oleh Unit Foto BKK.**